

四庫全書

集部

欽定四庫全書

眉菴集卷三

明 楊基 撰

七言古體

夢題雲山圖

夢中有人以雲山圖索詩因題四韻覺後惟記其首
二句為足成之

前山嵯峨後山聳大如盤龍小飛鳳千巖萬壑春雨晴

浮雲載山山欲動平生愛向雲山居
漂泊尚作雲山夢
明朝拂袖歸故山萬頃白雲和玉種

省掖觀梅和宋草堂韻

玉肌瘦怯春風惱唇紅不褪香雲老
綺窻人靜月初圓
笑覺飛瓊顏色槁羅幄銅瓶小
几邊銀燈疎影硯臺前
一株初破休輕折半朵猶含最可憐
宮妝近眼人爭愛
却恐愁多零落快莫教纖手嗅東風
誰畫生香與真態

西省海棠

山西陳則威以晉無梅花以管勾職初來江西即求
識之省左掖東檻有海棠一小樹則威尤鍾愛之日
數次至花下風雨昏暮不忍去也嘗索余賦詩余時
迫於案牘不暇舟行湘中梨杏桃李每得厭觀獨無
海棠因賦此補其缺云

山西公子虬髯客到處尋梅認香白春風省掖海棠開
暫去還來拋不得嗟我有癖常自笑不意逢君同此癖花
枝雅麗不妖艷我輩尚德不尚色曉窻雲暖風日妍數

朶娉婷春半折腰損紅綃膩有痕舞酣金殿嬌無力銀
燈不如微月照珠簾更著疎烟隔飛燕輕盈富貴姿玉
環態度神仙格此日凝妝青瑣外當時擅寵沉香北繁
開似妬却冥冥半吐欲言終默默豈惟人愛亦自愛不
獨春惜當誰惜細雨重陰也看來莫對空枝慢相憶

千葉桃花

豫章氣候差早春未半花已岑寂省掖後苑有千葉
桃一株人未之知也衆卉已謝芳草如積偶與員外

方君過其下初開數朶色韻標度殆非人間所有豈
所謂瑶水之遺也歟繞樹百匝賞之以詩壬子二月

十七日

江花先好還先落二月芳菲已蕭索掖垣一樹獨開遲
嫩葉龍荑抱香萼朝來小雨浥輕紅春色千重與萬重
點注定知煩曉露剪裁寧不費春工春來到處尋桃李
不道東闌花自美傷心世事總如花何用勞勞行萬里

憶北山梨花

辛亥清明予與薛起宗聯騎遊北山飲酒大梨樹下
時花盛開余有詠北山梨花詩壬子清明脩員江西
省幕風雨兀坐案牘如山積緬懷北山之集邈如夢
寐撫景感舊紀之以詩

去年清明花正繁騎馬曉出神策門千桃萬李看未了
小徑更入梨花村低枝初開帶宿雨高樹爛日迷朝暎
柔膚凝脂暖欲滴香髓入面春無痕青霞玲瓏翠羽亂
白雪照耀瓊瑤溫折花對酒藉草坐花氣暗撲黃金尊

薛君起舞為我壽勸我一曲招花魂須臾明月忽到樹
主人送客唯留髡羅巾歌斜烏帽落醉眼況復知清渾
村中至今為故事笑我自是劉伶孫我慚不答竊自慶
大抵此樂皆君恩今年清明坐西省雷雨兩日如翻盆
羣花削迹淨如掃衆綠既暗不可捫豈無清錢換斗酒
案牘雜沓窮晨昏倅來督責至訶詈面微發紅氣每吞
未能搏搖跨鵬鷖詎免束縛同鷄豚人生屈辱乃淬礪
百鍊正欲逢盤根自知力不舉一羽強欲扛鼎追烏賁

晚晴汲井試新火紫筍綠薤供盤飧歸來飯飽對妻子
萬事反復何足論

壬子清明看花有感

熙寧五年壬子清明眉山蘓公看花於錢塘吉祥寺
金盤綵藍獻花者五十三人有詩曰吉祥寺裏錦千
堆前年賞花真盛哉道人勸我清明來腰鼓百面如
春雷打徹涼州花始開是其事也洪武五年基興員
外方君看花於西江省振節值清明歲亦壬子去蘓

公三百年矣歎公之不可見而猶以誦公之詩也因賦長句以記歲月庶為後三百年張本云

吉祥寺裏千堆錦綠髮仙人對花飲腰鼓金盤五色藍
醉歸猶帶花枝寢東風壬子幾清明三百年來寺已傾
沙河塘上痴兒女猶誦錢塘太守名看花我亦逢壬子
況是清明非偶耳莫論南浦與西湖楚水吳山正相似
青蓮居士識前因金粟如來見後身總不能知塵外叔
也須曾是會中人

邀方員外看花

金昌亭西萬株花胭脂玉雪爭紛拏春風携酒看花去
騎馬徑到山人家花深樹密無逕入下馬徘徊映花立
紫萼風微翠袖香紅絲露重烏巾濕別來幾負看花期
客裡匆匆見一枝白下橋邊寒食後廣陵城外綠陰時
今年花最逢春早准擬清樽對花倒人意方邀酒伴來
花枝已向東風老花雖漸老仍堪折猶勝紛紛滿蹊雪
且共芙蓉幙裏人坐看海棠枝上月

樟樹鎮舟中作

儂是吳淞釣魚叟全家生長吳江口
遲鈍長飛衆鳥先迂疎每落諸人後
城中父老少相知鄉里兒童亦見欺
几上細抄高士傳壁間大篆考槃詩
春風百草承膏沐強擲漁簑親案牘
胥吏猶嘲吏事疎妻孥欲笑形容俗
羸馬長途恐不堪君恩何日許投簪
半篷秋雨烟籠水數點寒星月滿潭

泊舟桑落洲望廬山

桑落洲前泊舟好對面推篷看五老石罇泉從樹杪來
山坳雲向峰尖繞風墮初黃未黃葉烟暝將栖已栖鳥
莫問漂零與壯遊飲不能多須醉倒

聞鄰船吹笛

江空月寒江露白何人船頭夜吹笛參差楚調轉吳音
定是江南遠行客江南萬里不歸家笛裡分明說鬢華
已分折殘堤上柳莫教吹落隴頭花

春江對雪

春雲作寒飛鳥絕花雨紛紛暮成雪江山最好雪中看
況是東風二三月披蓑漁立柳邊航戴笠僧歸竹外莊
草暖尚迷雙鷺白樹寒先露一鵲黃我愁春雪看難久
重為江山更回首莫煮清貧學士茶且沽綠色人間酒
春江雪霽

烟嵐蒼蒼雨濛濛春雲淡白春霞紅扁舟江上行十日
盡在郭熙山水中今朝推篷更奇絕兩地江山皆玉潔
又是王維著色山十幅屏風盡飛雪參差琪樹當春起

金瓶梅詞話卷三
零落天花隨春水鷺鶴三千月殿中芙蓉十二冰壺裏
當時玉堂看畫圖自謂此景世所無而今老眼見真景
始信二老畫不誣人間妙筆奪造化徃徃天真乃如畫
意象經營自逼真按圖索駿風斯下須臾雪霽天宇碧
一色瓊瑤蕩春陌柳自輕黃草自青縱有此圖無此筆
眉菴居士非好奇為歎此景無人知都將摩詰圖中意
寫作春江雪後詩

雪中登黃鶴樓

洪武癸丑臘月十一日夜抵武昌是夜風雪交作向
曉雪深二尺因登樓賦此

黃鶴樓前水平岸春雪當空舞撩亂東風知我欲登樓
助以瓊瑤作奇觀昔人黃鶴去不回我騎白鳳橫江來
遙看歷歷漢陽樹一色盡是梨花開人間何處最佳絕
百尺闌干滿江雪氣壓滕王閣下雲興高庾亮樓中月
瀛洲咫尺非難到鶴背琪花落烏帽載酒誰能問謫仙
題詩未必無崔顥江山得此清無敵頃刻銀蟾蕩瑤碧

更著仙人紫綺裘卧聽呂岩吹鐵笛

雪中再登黃鶴樓

平生不願萬戶侯亦不願識韓荊州但願武昌連日雪
日日醉登黃鶴樓樓前絕景冠今古況有繽紛雪花舞
玉樹參差認漢陽瀛洲浩蕩迷鸚鵡江頭兒女走欲顛
謂我自是騎鶴仙白雲飛盡黃鶴去此景不見三千年
我拍闌干為招手世上神仙果何有桃李非無頃刻花
江湖亦是逡巡酒他日重來五百春樓前花草一番新

相逢不識純陽子何用重尋回道入

湘中見春雁

蘼蕪葉長春簇簇雙雁忘機相對浴東風何事不飛歸
應念江南春草綠燕山密雪正茫茫況有桃花水滿鄉
畢竟不如歸去好楚雲湘水是他鄉

登岳陽樓望君山

洞庭無烟晚風定春水平鋪如練淨君山一點望中青
湘女梳頭對明鏡鏡裏芙蓉夜不收水光山色兩悠悠

直教流下春江去消得巴陵萬古愁

長江萬里圖

我家岷山

先生原籍蜀中嘉州人因祖仕江左生長吳中遂家焉

更西住正見岷

江發源處三巴春霽雪初消百折千回向東去江水東
流萬里長人今漂泊尚他鄉烟波草色時牽恨風雨猿
聲欲斷腸

湘江秋意圖

湘江澄澄漢江綠芷葉蘭花映斑竹一聲欸乃雁雙飛

數點青山淨如玉蒼梧回望是荊州楚雨吳雲恨未休
無夢可聽湘女瑟有人方倚仲宣樓

湘漢秋晴圖

讀書不願賢良舉朝醉霸陵暮湘渚兩鬢從添鏡裡霜
十年聽遍江南雨呼鷹臺上愛秋清鸚鵡洲前看晚晴
紅葉蟬聲湘寺遠碧潭鴻影漢川明湘波漢水愁無盡
畫裡江山聊一哂舉世惟稱王仲宣當時亦有周公瑾

湘陰廟梨花

癸丑二月廿日泊舟湘陰廟下廟東圃有棠梨一株
花猶未開因念辛亥春與薛起宗賞花於鍾山之北
賦詩酌酒為一時勝集壬子歲宦居豫章追憶舊游
嘗與員外方君道其事復有詩寄薛今年見花於湘
水之上不惟北山之會不可尋而豫章僚友亦相望
數千里外人生漂泊蓋如是也舟中岑寂賦詩一首
且歸以示方君預與起宗締來歲之約云

平生厭看桃與李惟有梨花心獨喜海雪樓前雪一株

歲歲清明醉花底北山岡下花最盛千樹玲瓏圍綠水
前年騎馬賞花處我與河東兩人耳青苔滿地芳草合
只有黃鸝映花蕊當時美人東閣上寶髻慵梳初睡起
鏡裏爭先試一枝真態欲將春色比樓空燕去花自落
細雨黃昏泪如洗疎籬蕭蕭茆屋破况復臨春開結綺
我時賞花仍弔古花亦燦然為露齒歸來娑娑簪滿帽
十日羅衣香不止去年相憶豫章城咫尺春江如萬里
今年邂逅洞庭曲細萼含愁照清泚人至魂消楚雨中

花應斷腸湘烟裏三年勝遊不再得百歲歡娛能有幾
吉祥牡丹非舊夢玄都桃花亦如此更約明年載酒來
莫笑花前人老矣

留題湘江寺

瀟湘縣前山繞城綠陰滿地聞流鶯入門下馬松逕濕
樓閣花開春雨晴山僧知我携客至袈裟鐘磬下榻迎
汲泉敲火煮新茗茶香鼎潔泉甘清龕燈照佛佛像古
舍利五色真身明黃金布地孔翠帳旛蓋聯絡皆珠瓊

飛來巨石卧青兕以爪扣擊成金聲十年足跡走萬里
福地徃徃迷榛荆茲山信是無量壽百千萬劫完不傾
乃知願力自廣大天神守護邪魔驚我來作禮繞三匝
寶花如雪天樂鳴便從真如入妙覺豈有世網能相嬰
同行僚友二三輩勸我寫石畱芳名他年老眼得再覩
風雨剝落莓苔生

初陽行

黃鶴樓前漢陽雪岳陽樓前洞庭月自謂人間無此清

到處相逢向人說
祁陽江頭春更佳
彷彿似是神仙家
黃鸝亂啼萬竿竹
綠水縈抱千株花
千紅萬碧深相映
雞犬無聲茅屋靜
野老回頭喚不應
恁恁况是通名姓
水流花落岸東西
只隔疎簾路已迷
天下於今皆樂土
何須更覓武陵溪

皂角灘

烟蘿毵珍樹
蒙鬆夏綠更
換春花紅千
山萬山無所
聽
鷓鴣杜宇啼
春風穹崖爛
遍高百尺快
劍無痕鑱翠
碧

寶氣朝凝五色霞
丹光夜燭三分日
我從章江出彭蠡
巴陵長沙洞庭尾
看遍衡廬兩岸山
行盡瀟湘一江水
輕舸短楫辭零陵
似與亂石爭功能
牛刀慣熟中肯綮
郢斧神捷回鋒稜
男兒性命固可惜
底事矜誇向羣石
鷗邊短草一枝筇
牛背斜陽數聲笛

湘中四詠

黑翎紅嘴花間鳥
映花一點珊瑚小
當時如意擊東風
萬語千言啼未了
雕玉籠開出綉楹
海棠庭院雨初晴

美人按拍教鸚鵡學得霓裳四五聲

右鸚鵡

其二

棠梨花開滿山白白鸚飛來春一色黃鸝紫燕大匆忙
不道花間有閒客却嫌香露汚春衣立向湘江映夕暉

鷗鷺相逢莫相妬一雙還拂楚烟歸

右白鸚

其三

湘江兩岸無茆宇湘竹陰陰覆江渚春來未聽一聲鶯
只有鷓鴣啼暮雨憐渠亦是他鄉客苦向人啼行不得

縱教行得也消魂那得行人不頭白

右鷓鴣

其四

暖風晴日融春晝閒看花陰雞吐綬綺縠都將綠羽粧
紅絲不待金針綉疊疊胭脂縷縷金龍紋盤錯鳳紋深
憑誰剪作鴛鴦帶雅稱佳人翡翠衿

右錦雞

過高郵新開湖微雨有詠

殘虹曉落西陂岸雨脚斜飛鷗鷺亂扁舟盡日畫中行
荷葉荷花香不斷船頭老翁一尺鬚斗量菱舟兼賣魚

兒能鼓柁女蕩楫何用聰明多讀書

夢綠軒

余與徐君幼文同謫鍾離結屋四楹幼文居東楹余居西楹文嘗賦詩曰夢裏綠陰幽草畫中春水人家何處江南風景鶯啼小雨飛花蓋深有意於故園也

蜀山

蜀山乃吳中山名幼文所居在焉非西蜀之山也

江頭萬章木細草幽泉

蔭修竹五月六月山雨晴空翠紛紛滿衣綠杖藜或來陰下行雲影不斷涼風生青連翠結欲無路彷彿上有

黃鸝鳴去年吳城正酣戰却倚危樓望葱蒨
今年放逐到長淮萬綠時於夢中見夢中見
綠覺始知索我亦賦夢綠詩逢人說夢子堪
笑替人作夢余何癡世間萬事同野馬覺後
非真夢非假五色過眼本虛空富貴於人誠
土苴南風劃然吹夢破樹頭不知微雨過從
今寤寐俱兩忘靜與白雲相對坐

舟入蔡河懷徐幼文

憶初見君江浦外七尺長身齒含貝君年未冠復新婚

錦帶吳鉤紫絲佩豪姿俠氣颯蕭爽春鴻輕便秋隼快
結交梁楚燕趙間追慕廉藺羞郭解誓將弓檠事鞍馬
耻作寒儒服巾帶余時瑣屑箋虫魚折几寒燈寫秋芥
相逢一笑恍自失不異低岑仰高岱殺雞為黍三日談
深中肯綮入骀駝方喜師君竟兄我卮酒動輒受百拜
停觴爛漫出險語磔裂鬼膽窮百怪天然清真去雕飾
王嫱西施洗鉛黛漱芳雋腴再三讀項上之鬻左手蟹
技痒礪棘互掎角十捷一二八九敗余實羨君敏且博

君亦憐余強而邁英雄敢誇君與我強弱不止楚敵蔡

孟潛豪士渤海高

李迪也

時復峙足如鼎鸛高才於我十

倍丕尚歎追君力不逮縱橫千字賦生筆迭宕百韻余

公萊

幼文與余唐卿作萊邁詩二百句甚工

僧房秋迥鉢聲長雪屋香銷

燭痕在清游未竟夕漏終落月殘星悲一慨激烈正醉

金陵酒漂泊共泛濠梁載城荒地僻生計拙時脫春衫

倩人賣破樓夜雨隣鐘急委巷秋風茅屋壞斯時愁絕

正難禁君獨相看勸余耐別來奔走向西洛面色痿顰

病新差章臺握手須臾立胸臆梗塞若有碍平生耻作
兒女悲此別戚戚若有槩今朝過蔡將入陳漸見舟艫
艤灘瀨平漪細石魚跳渚斜日低烟雁橫塞相思無奈
客中愁聊述長歌歌一再

鄭州道中

北風如刀吹面裂敝裘無功塵絮折星稀日出勢尚嚴
滿袖霜花厚如雪馬上沉吟苦憶家江南十月賸春華
金錢晚菊低叢葉綠萼盤梅小樹花

寄題水西草堂

為楊公輔作

鴛鴦湖東武塘西桃花滿川蒲葉齊春風二月微雨霽
鶯鴨拍水黃鶯啼推窗只有參差柳柳色波光淡於酒
烏紗官帽半籠頭紫竹漁竿長在手平生愛讀內景書
往往適意追禽魚開門懶迎俗士駕拄杖每扣高僧廬
客來舉酒邀明月細瀹松濤煮春雪但覺身無俯仰勞
安知世有東西別今年扈從來大梁錦袍白馬青絲纒
信陵宅畔暮鴉集朱亥門前秋草黃輪番夜直中書省

霜華滿巾鬚髮冷粉署香銷紫綺袍碧梧影落黃金井
魂夢時時到草堂曲欄花藥漫分行他年得遂歸田計
多種牆陰十畝桑

留別楊公輔

將還滎陽夜集公輔東齋酒酣索詩時銀燈結花漏
下二鼓賦此留別

紫簾凝烟碧香繞銀燈結花金粟小主人捧酒起勸賓
離別長多會長少明朝騎驢鄭圃東白沙黃葉滿林風

知君此際能相憶
笑指燈花映酒紅

送朱明善少府

昨城主簿冰雪骨
天濶霜清見飛鵲
家住西湖第一橋

半生詩酒笙歌窟
斜肩兜子總宜

舟名

船九里松陰十里

蓮松下看山船上宿
小娃隨索賣花錢
鶯嬌蝶妬春如

綺一夜東風變桃李
回首梁園望故鄉
咫尺吳山四千

里吳山漸遠音書絕
兩鬢青青未成雪
烏帽朝辭鄭圃


烟鹿車夜挽蘭臺月上
官不憚路道長
豈問富庶并荒

涼正須到縣招竄匿要使枳棘皆耕桑婦女養蠶男種
麥食有雞豚衣有帛兒童不識成丁勞父老能歌縣官
德慚余亦是滎陽簿虎牢關下成臯路有酒誰澆紀信
魂無人敢畫鴻溝渡鄭衛由來本懿親相思只隔大河
津愁將良嶽風前柳持贈山陽笛裏人

并州對雪

春風雪花大如手
匝匝離從撲窻牖
入水消融鴨綠醅
隨鶯點綴鶯黃柳
人誰能來剡溪棹
我獨痛飲淵明酒

白髮沙頭罷釣翁
睡覺蓑衣頻抖擻



眉菴集卷三

欽定四庫全書

集部
眉菴集卷
四至
七

詳校官庶吉士臣李傳熊

中書臣劉源溥覆勘

總校官知縣臣楊懋珩

校對官編修臣莫瞻菴

謄錄監生臣范從理

欽定四庫全書

眉菴集卷四

明 楊基 撰

歌行

齊老曲廼夫婦齊壽時年八十三

生齊年復齊老當年齊種長生草
草色龍從日夜芳白頭夫婦長春好
夫婦於今同幾歲五十年前三十二
記得花開共撫兒新來折得蟾宮桂
親齊老子登科此樂

人間殊不多東家新婚奈爾何

鐵笛歌為鐵崖先生賦

鐵崖道人吹鐵笛宮徵含嚼太古音一聲吹破混沌竅
一聲吹破天地心一聲吹開虎豹闥彤庭跪獻丹宸箴
問君何以得此曲妙諧律呂可以召陽而呼陰都將春
秋二百四十二年筆削手譜成透天之竅價重雙南金掉
頭玉署不肯入直入弁峯絕頂俯瞰東溟深王綱正統
著高論唾彼傳癖兼書淫時人不識我不厭會有使者

徵球琳具區下浸三萬六千頃之白銀浪洞庭上立七
十二朶之青瑤岑莫邪老鐵作龍吼丹山鳳舞江蛟吟
勗哉宗彥吾所欽赤泉之盟猶可尋更吹一聲振我清
白祖大鳴盛世載賡阜財解愠南風琴

先生註春秋一
本名透天關

擊筑吟贈張思廉

擊筑和短吟一擊意已深但聞筑聲怨未知擊者心君
子復何如而欲酬萬金萬金不足貴所貴在知音

董君行贈董冠軍

陷敵非失榮脫死尚稱智纍纍几上肉一一生頭翅同
行數十人謫戍遠將置翻言念君親向指白日誓臣不
棄鄉井臣不肯主義願瀝方寸血洒濺天與地江潭白
虹起斜貫日色翳亂堪奸守胸用飽饑鱣噬歸來皮膚
在顏慘色逾厲乃知壯士勇異彼兒女戲或降或為虜
此寧不少愧我歌董君行庶發丈夫志

白頭母吟

白頭母烏頭婦婦姑啼寒抱雙股婦哭征夫母哭兒悲

風吹折庭前樹家家有屋屯軍伍家家有兒遭殺虜越
女能嘲楚女詞吳人半作淮人語東營放火夜斫門白
日橫尸向官路母言我儂年少時夫妻種花花繞蹊夫
亡子去寸心折花竇花窠成瓦墀十年不喫江州茶八
年不歸姊妹水蘭芽菊本已凍死惟有春風薺菜花只
憐新婦生苦晚不見當時富及奢珠簾臺榭桃花塢笙
歌院落王家府如今芳草野烏啼鬼火燐燐日未西儂
如葉上霜死即在奄忽新婦固如花春來瘦成骨婦聽

姑言淚如雨妾身已抱橋邊柱總使征夫戍不歸芳心
誓不隨波去

附杜彥正同題次韻

白頭母征人婦銀釵零落鳳凰股天寒日暮練裙薄
脉脉無言倚庭樹良人何在西從軍出入干戈死為
伍腰間寶劍霜雪光逐隊齊行斫妖虜鼓衰力盡生
死決野曠天青塔鈴語鬼妻悲號鬼為舞淚血如珠
灑行路郎今一去歸何時櫻桃花開春滿蹊側身西

望骨欲折千里烟塵暗邊堦君不見東陽御麵顧渚茶
年年上供天王家月團小餅盤龍鳳玉塵十襲浮霜花
祇今喪亂殊未已武夫競爾誇豪奢大明揚輝照村塢
願見清平好官府延秋不聞烏衣啼版圖復入無東西
翻慮此身先奄忽不見親叔杞梁骨落花冥冥墜紅雨
遲郎歸來華表柱若為化作紫鴛鴦一雙飛上青雲去

李道士歌

先生學醫并學仙朝采參朮夜煮鉛丹成雞犬飛上天

靈氣化為五色烟珠宮瑤樓花爭妍紫鳳白鶴青瑤編
亦有窈窕蛾眉千綠鬟青頰雲垂肩手把玉磬彈水絃
儵然而來忽而旋一語不洩空留連但見碧霧籠蜿蜒
歸來城郭久已遷海水枯涸成桑田疲癯之人瘡痍腫
偃若病鶴脊贅跬寸七入口無不痊矍鑠起舞衣蹢躅
報以白壁直萬錢珊瑚木難雲錦箋長揖自愛禮數虔
倒騎赤虬不用鞭疾如飄風送飛鳶曾不少留我意懸
丹臺峻嶒俯九淵清虛自是龜巢蓮我無羽翼相後先

譬彼食蜜皆中邊十年空齋坐寒氊兀與老衲叅枯禪
時有嗔愛來相牽未若得兔忘蹄筌歲月滾滾東逝川
欲返內景無賓緣道固可授不可傳恬澹無為神自全
何當吹笙導綵旃相顧一笑崆峒巔

九峯行

九峯山頭白雲飛飛來化為游子衣游子思親去不返
青天漫漫白日晚父骨未入土兒心安可休恨恨天河
水夜夜東南流東南流向何處去流向九峯山下住九

峯九朶青芙蓉古今累累馬鬣封父生有身死有骨何
當函置白雲中豈為吳淞山水好父骨未埋心未了而
今結廬向墓傍休官甘就吳淞老南風吹送孝廉舟買
地千金何足酹白雲倚門兒子去三江明月夢悠悠

招鶴詞為薛復善賦

朝放黃鶴去暮招黃鶴歸翩翩兩黃鶴朝暮相隨飛朝
飛向三山暮歸向遼海雖云城郭是但覺人民改曾邀
王子晉去謁浮丘公丹霞映碧水萬里瑤臺風瑤臺十

二樓琪樹珠花繞時與五色鸞雙飛啄瑤草天風一飄
蕩瞬息三千春回首清淺處拂拂揚輕塵青鸞既西飛
丹鳳亦高舉獨招黃鶴歸靜對黃鶴語黃鶴如有意起
舞春風前一笑上黃鶴逍遙凌紫烟

黃鶴生歌贈王錄事叔明

君不聞眉山道士徐佐卿化為黃鶴朝太清還君金僕
姑留得千載名又不聞穹窿小仙徐子貞翩翩自稱黃
鶴生鍊形蓬萊山鳳臆紫燕膺千有六百年飛上白玉

京玉京錦貝闕十二樓五城娟娟萬青蛾吹笙沓相迎
黃鶴生骨相奇金衣玄霜裙纖指而洪髀不飲華池漿
不啄青田芝耻彼五色鳥覽德輝下之浮丘不能招八
公不能騎飄然從西來不使上帝知帝遣紫虛玄君謁
夫人夜乘白鸞來相追琅霄頃刻九萬里追之不及鸞
聲悲黃鶴生請少留爾為黃鶴舞我為黃鶴謳便須吹
玉笛登爾黃鶴樓樓高幾百尺見三島十洲瓊珠金光
草鐵網珊瑚鈎樓今已槌碎瓦礫三千秋黃鶴生孰為儔

母乘腰纏人扶搖上揚州揚州瓊花已枯死仙人不復
來遨遊黃鶴生鉗爾口母啣紫泥書寄與西王母王母
見爾笑起作小垂手黃鶴生來爾聽崑崙十二峯朶朶
芙蓉青上有翠羽箭金鏃孔翠翎為我取之來射此天
狼星坐令談笑間四海烟塵清爾亦策爾勲我為爾勒
銘更呼薛少保圖爾雲臺形黃鶴不肯顧長鳴掉頭去
路逢鋏龍君疊疊道其故龍君勸不止竟觸龍君怒手
挽黃鶴衣醉叱黃鶴住黃鶴不敢去飛繞三花樹夜深

鍊龍醉不醒黃鶴高飛不知處

玉鸞引

鐵厓翁昔有二鐵笛字之曰鐵龍今亡其一崑山顧
仲瑛得蒼玉簫一具號玉鸞遺翁配之瑛既為謠索
予和之以引云

丹穴鸞蒼霞翰素質琳瑯玕衡度尺只寬中心空洞合
混沌妙諧律呂有七竅如星攢紫鵠彩鳳迺其侶嬌歌
妙舞花成團弄妃久藏桂宮裏弄玉求謀遺蕭史調得

仙家別鵠吟吹落虎頭金粟耳太霞仙伯鐵厓翁昔泰
洞庭雙鐵龍雌龍入海去不返雄兮鰥處瓊林宮虎頭
憐之作婚媾洞房溫和配成偶絕勝玉杵聘藍橋從此
翁嘗笑開口畫堂龜甲舒屏風翠烟凝暖春雲濃大餅
酒瀉鸚鵡綠滿頭花挿鴛鴦紅鸞兮運居巢龍兮弄橫
竹不須再奏合懽辭且聽和鳴太平曲太平曲斷還續
一轉一拍相節促諧宮協徵宣八風四海萬年調玉燭

玉仙謠和阮孝思作

二女仙圖從人持旄前引一仙騎白牝鹿一騎青騾
又婢持暈扇在後畫妙入神霄溪錢翁筆

赤岸無波海塵起蟠桃枝上花成子玉仙邂逅赴瑤池
雲角凌空月如水子子干旌引素霓神麋步蹙青騾嘶
珮環流響入碧落霧鬢約掠風鬟低鸞尾金寒歌扇影
朱衣濕露香痕冷銀漢斜回星彩沉漸漸扶桑耀初景
齊州九點春微茫六龍騰駕催晨光踏歌不到碧雲夢
胡蝶牽愁愁正長綵霞一滅瑤臺路想像徒憐薜英慕

青鳥千霜去不還猶許留情向毫素

附金典籍德孺同題

紫皇宮闕開中天
鸞書畫下邀羣仙
神麈玉斲新蹄圓
蹀躞上送雙嬋娟
虹垂橋雪踏路鞭
馱風馭騰霧寶幢
金節相後先
宛在銀河影邊
渡侍兒顏色春花明照耀
十二樓五城飄飄宮徵相諧鳴
按歌齊唱昇天行
昇天未成曲愁壓巫山綠
朝朝暮暮湘水深
湘妃帝子徒勞心
東飛烏西飛兔
海變桑田知幾度
燭龍肯緩羲和轡

流光應何人間住流光不住將奈何坐令蛾黛秋霜多
手摩銅狄嗟蹉跎人生誰似學仙好翠掃鬢華長不老
下視褰垓入烟草岩堯瓊臺夢要眇丹霞姿旁人可望
不可追珮環一落空中響世上猶存千載思

釣鰲海客歌

松陵陶生振嘗遊鐵厓先生門視予有師友誼介其
所知周谷賓索予歌其號曰釣鰲者為走筆云

我昔西遊三湘與七澤洞庭彭蠡一泓窄鼓枻東游東

海濱丰神飄飄逢海客問之不肯道姓名但見虬髯電
目面鐵色自言平生釣鰲不釣魚曾跨瀛洲涉蓬壺仙
人五六輩拍手相招呼留連寓宿瓊臺上倏見賜谷升
金烏鳥光焦燒瀚海底神鰲在焉知有幾把竿垂牓餒
不吞努力載山行巋巋金鈎一彎新月如上有徑寸明
月珠珠含夜光炯如火潛精伏怪驚蹌趨眼小鯨鯢似
魴鯉翻濤拔浪吹香餌捲衣欲裂供朝脯爭奈揚鬚掉
尾悠悠逝笑擲長竿亂釣絲肯出海底珊瑚枝珊瑚枝

枝堪翫弄一聲欸乃開烟霏金沙長灘三百里紫泥污
衣慵濯洗蘆花雪花飲瓢空卧枕綠簑呼不起海客海
客胡為乎勸爾敲針作釣但釣吳淞鱸烹銀斫雪矮篷
裏相薦數斛瑤漿酤洗君平生耳聽我長短句歌聲激
裂湧海波陽侯九首天吳十眸為我起舞歌婆娑停歌
慷慨三歎息風雪來時繞頃刻不如待時栖舊磯袖手
安心養筋力筋力養既就漁具還持携重施龍伯國人
技一展絲綸連六歸

春風行

春風吹花快如剪柳條
娉娉顏色淺四更急雨作輕寒
零落餘香上苔蘚街泥污人不出戶強以一樽聊自遣
西家酒熟復苦貴收拾春衣倩人典齋厨久斷魚肉腥
細嚼芹蘆勝禁鬱時平戚戚恐寒饑况乃厄運愁不免
醜妻念我憂無薪私爨破簣炊戶楫客來嗟吁但枯坐
慙愧不得具茶菴今朝棠梨開一花天氣自佳日色暝
西南諸峯宛在望暖靄晴烟張翠巘去年驄馬虎丘前

醉折櫻桃隨步輦只今咫尺烽火隔高柵長營依塹轉
極目郊原草樹空那得鉏犁到溝畝東吳自經五世亂
四百餘年絕兵燹物盛還衰滿則虧此理甚明知者歎
嗟予親老諸弟隔晝夜感額眉不展巷哭隣呼不敢聞
何暇諄諄問牛喘樓前旌旗芳草濶紫燕未歸簾半捲
呼兒插花向晴昊手把短鬚吟更撚準擬青鞋到處遊
繞堤蒲柳春泥軟

山中雲歌

漠漠山中雲起自山上石天風一飄蕩雲與山俱碧白
雲嵯峨不出山道人心與雲俱閒明朝我亦乘雲去相
遇蓬萊縹緲間

春愁曲

小樓十日聽雨卧春雲作團拂簾過金黃楊柳曉初勻
雪白梨花春半破東家蝴蝶飛無數西隣燕子歸兩箇
玉關萬里尺書稀春風不似春愁大

新絃曲

張新弦彈舊曲新絃聲未和一彈一轉軸莫道換絃聲
亦換響比舊時增一半不敢臨風快快彈卻恐新絃急
還斷舊絃棄置君莫悲曾似初絃新上時

結客少年場行

情如飛絮任悠揚心與游絲共短長花底若教連日醉
座中猶可少年狂新調錦瑟爭傳譜巧製羅囊別貯香
衣以鳳翎分縫織帶將蛇角徧鞵裝豪名獨擅秋千社
俠氣平欺蹴鞠場白壁一雙酬劍客明珠百斛買名娼

金丸挾彈章臺左寶騎聞箏太液傍梅子短牆羞擲果
桃花深塢笑分漿每朝春比人先老不信愁如海叵量
猶有舊時桃李夢尚隨蝴蝶到遼陽

毬場曲

軟紅十里平如掌馬蹄踏沙輕不響金袍玉帶五陵兒
飛騎擊毬珠作賞身輕臂捷馬游龍綵仗低昂一點紅
倏忽飛星入雲表據鞍回袖接春風有時隨地香塵滾
楊花亂撲桃花粉就窩奪得笑歸來月牙輕旋驪珠穩

一生嬌貴厭朝天不信人間有倒懸
但得花間風月好打毬場上自年年

病駝行

駝峯黃駝茸紫曾馱黃金獻天子
燕山雪深沒駝耳錦韉模糊駝不死
去年隨軍下東越越江水渾沙草熱毛
焦肉爛骨欲折回首却憶燕山雪
燕山雪不得歸駝飢馳渴誰能知
伶俜反遭牛馬欺於乎駝兮爾勿悲
爾峯可食茸可衣利爾衣食孰爾鑒

廢宅行

弓刀掛牆旗拂瓦行人過門須下馬
日暮將軍縱酒歸
白棒橫街人亂打朱門一閉春草積
官印斜封泥浣壁
守卒收鰕屋後池隣翁晒麥堦前石
簾幕當年盡綺羅
網絲顛倒腐螢多杏梁風雨丹青濕
時有野鳩來做窠
樓臺易成還易廢前年猶是桑麻地

負簞行

黑風吹雲江雨急破蓬蕭蕭衣被濕
妻孥頂笠待天明

我亦負簞中夜立大奴操瓢不停手小奴張燈照鼃吼
君不見杜陵茅屋歎秋風此厄命窮無不有

醉歌行贈朱彥明別

西風吹老淮陰柳秋色遙連大江口楚漢爭衡未解兵
一盃且盡高陽酒豎儒可罵冠可溺底用文章呈百醜
亂世功名纔唾手不論鳴雞與屠狗自將雙劍報漢公
更輟千金酬漂母英雄百萬賭一擲肯對兒曹奪升斗
東家權利競刀錐聞之恨不雙耳他口切耳 我生貧

邊續也

無屋半畝囊錢數絀粟在在凍餓長居野老先飛騰已
落他人後君今著鞭辭培塿野樹遙遙迎馬首為問伶
俦與下人將來頗得蘇息否

梁園飲酒歌

我生之辰木入斗烏啼東井命壁守壁為文府斗為歲
許我文章播人口三齡能言學誦詩四齡指字識某某
五齡琢句對虛實聯青儷黃配奇耦客來當座賦短章
四韻不待八叉手九齡六經已畢讀掩卷背誦無掣肘

丰儀翩翩秋宇鶴顏色濯濯春月柳鄉閭每辱師長愛
學校耻與兒童友毫分縷析辨同異務植嘉穀去稂莠
揮毫直欲五色爛倚馬未肯一字苟龍蛇擬將赤手搏
富貴謂可拾芥取文場馳騁竟一蹶髻鬣局促俯其首
歸來焚膏坐長夜盥櫛不暇面塵垢淬鋒礪鋸期再策
狐豕隳突羣兇吼豈惟文運遭迭否無乃厯數厄陽九
自慚定亂非銘檠束縛經傳事南畝畊童樵稚課朱墨
塗抹破硯掃弊帚東藩諸侯遠見徵白壁玄纁賁林藪

屢辭不獲始強起野服長揖坐談久青閨午箭傳滴漏
紫幕爐薰散春牖時翻玉檢題鸞鳳復賜銀箋篆科蚪
鵲啼花落燕鶯飛頃刻浮雲變蒼狗遽逐西行泣楚囚
倉卒弗及拜慈母初移鍾離復入汴山路匍匐十日走
皮焦足胝汗浹踵手策羸蹇背有負囊資空乏衣破裂
無以補綴謀諸婦婦言別久簪珥空借舊乞隣無一有
高堂姑老蠱女幼日羞魚鰕買梨藕思無紉帛禦姑寒
安得吳綿為君厚余聞愧赧雙臉赤灑泪出門心欲朽

病軀有僕不得將藥食扶持賴親舊寒沙古壘泣英靈
落日疎林嘯猿狖前途尚遠節屢換白露應候月在西
榮枯萬變類觀奕憂憤百結如錯鈕筋力衰頽卧猶倦
鬚髮頽白照逾醜盡將得失付忘言且醉梁園一樽酒

癡頑子歌

癡非癡兮頑非頑清晨掃雪夜掩關耻道焦螟爭觸蠶
齷齪自處癡頑間生涯祇在青嶺岼拾枯汲深忘險艱
披烟捫蘿亟躋攀朧朧月出東海灣謂是上古白玉環

直欲走海赤手扳禁之不可誓不還道逢鼓翁樂且閒
相顧一笑玉齒殷十年採藥不下山倒駕玄鹿招白鸚
神經秘牒烏篆彎時復竊讀見一斑徃徃亦辨跣與顏
今年從翁來帝衆勸師慎勿忘舊山山中春泉響潺潺
松花落蘚香遍爛醉聽黃鸝眠草管不博人間玉筍班

白葛篇代贈

白葛細如絺千絲復萬絲南風池上看顏色正相宜昨
日夫君別啼痕滿袖垂

其二

白葛軟含風輕盈望若空
釧露金條脫珮映玉玲瓏
浴罷羞單著催將半臂籠

其三

白葛白如霜裁衣當暑裳
冰紈羞皎潔霧縠讓輝光
念是夫君贈秋風忍棄藏

憶昔行贈楊仲亨

嗟我憶昔來臨濠親友相送
妻孥號牽衣上船江雨急

辟歷半夜翻洪濤濠州里長我所識憐我一月風波勞
呼兒掃榻妾置酒買魚炊飯羞溪毛酒酣話舊各涕泣
隣里怪問聲嘈嘈明朝府帖促葢屋旋斲瓦礫除蓬蒿
大竹為楹小棖桷覆以菅草并索綯君時亦自長干來
為我遠致書與袍密行細字讀未了苦語滯滯如蠶繅
收書再拜問所歷燈影照夜吳音操異鄉寂寞遇知己
歡喜豈止餽百牢藤牽蘿繞互依附濡沫相潤脂和膏
薰風晝眠竹几靜落葉夜掩柴門高黃鬚為汲東井水

翠袖或送西家醪中書大官捧檄下霜鶻脫鍔鷹解條
君前挽騾我後策陟險攀峻隨猿猱飢腸午渴掬澗飲
甘滑不啻青葡萄到家倉卒席未暖復此赴汴同輕舸
厓高水溢石溜急時復著力撐長篙予生有弟皆異域
漂泊幸與君逢遭君才自是伯者佐比擬管樂卑蕭曹
方期補剡拯焚溺詎肯析利窮秋毫比來縣邑久蕪廢
亦有桑柘祖梨桃遺民可鳩業可復應屈君輩揮牛刀
他時解綬歸故里相期結居吳江皋

眉菴集卷四

欽定四庫全書

眉菴集卷五

明 楊基 撰

長短句體

梅邊讀易

世言麋鹿野我更野於鹿呦呦山嶺間未聽人聲先退縮
行隨桃花飲流水白石清泉諧所欲落日雙松薜荔
青東風百草蘼蕪綠赤山山下養親處

赤山在吳縣天平山南五里許

又曰仰天蓋范文穆慕文正公而名也先生之家在焉

五母雞豚三畝菽不愁女

子識韓休但恐相知非鮑叔朝來掃葉遶樹吟仰見寒
梅破香玉臘意猶封雪後山春光已到溪南屋信知物
理互消長往往天心見於復自取義文一卷書茆簷坐
對梅花讀

觀眠松有感呈醉樵內史

饒參政介之也
松在鳳現嶺

朝廷無遺材而我觀蟠松松高僅尋丈足當高景山之
雄外惟英華發內實神秀鍾氣食白額虎勢挾蒼精龍

鱗張角折甲爪露兎絲纏絡苔花封輪菌礫砢盤踞數
十畝葉擁車蓋萬箇青童童東柯西柯尤不同隱若雲
鵬離溟渤六翮始舉扶搖風幾欲飛上天椎碎霹靂鋒
魑魅魍魎莫敢近上帝素有生生衷丰姿森森凜鐵石
靈響殷殷來笙鏞膏流茯苓成琥珀屢起凋瘵蘇疲癯
胡乃尚爾局束中吳中手持美酒玻璃紅三酌再拜十
八公今之拳擊突兀世不容公其正身直節以答上帝
忠三辰復朗耀四海無困窮野夫獻頌蓬萊宮

霸王丘和楊廉夫

朝上亞夫塚暮上霸王丘君臣兩丘土千古同悠悠穀
城西來河水瀏瀏莖以魯公其禮已優王勿悲王自仇
於乎天意非移劉

過陳湖贈寄周明府

蘭苕參差桑柘綠細雨岡頭啼布穀人家破產給丁夫
麥未上塲蠶未熟無蠶催絲綿無麥督稅錢民間此愁
誰見憐君侯為我解倒懸

送孫照庵往松江

吳門花似雪適與佳人別
別離苦不遠相看寸心絕
前年送君去練川花滿樹
今年送君遊吳淞江水頭
吳江三百里青蘋涵白芷
樓船五色旗煌煌照江水
潮來江水明潮迴江水平
江頭兩啼鳥勸君莫登程
君家高堂親已老為子不
宜長在道歸來為問渡江
人舊時楊柳今多少

七賢過關圖

前乘駿後乘犢牛行何遲馬行速關山雪深及馬腹手
披牛經馬上讀七名賢五童僕愴惶出關非所欲關東
鼓鼙民夜哭

李嵩畫宋宮觀潮圖

十五湖上月十八江上潮君王連日醉伐鼓更吹簫簫
聲忽如天上落大內臨江起飛閣碧瓦朱甍十二閑嬪
娥歲歲觀潮樂潮水信可定日夕來朝宗人心獨不如
而不思兩宮兩宮未雪耻屢下班師旨白馬素車神何

不令天吳折食大奸髓奸髓不可食國耻不可滌嗟爾
江上潮雖雄竟何益潮無益於人看潮徒損神橫江鐵
騎來三日飛埃塵歷數固有歸爾潮胡不仁遂令鸞鳳
雛戚戚悲殘春春光浩無主落花隨暮雨回首幾秋風
旌旗又如許又如許君勿悲古來在德不在險一盃之
潮安足奇

漁樵問話圖

君收綸我停斧且向谿頭話今古屈宋文章爨下薪彭

韓事業庖中鮒世上功名賤如土何須了了文兼武君貫
魚我負芻有酒可換不可沽青山滿眼同一醉勿論區
區榮與枯

七藝圖

牡藝蹲牝藝坐二子就乳三子卧茆簷北風吹壁破羣
獒饑號愁雪墮君不見東家韓盧逞捷足朝逐狡兔夜
食肉

春醵捕雀圖

棘針紅尖竹裊裊一雙春禽戲春艸寧賊何處忽飛來
利嘴如鉤破禽腦春禽引雛肌骨瘦不穀春賊一朝飽
一朝飽尋復饑春山鷓鴣如瓠肥何如搏臬飽終日留
取春禽引子飛

夫織蒲

夫織蒲妻辟纊田中種豆田下蒲編穰上箔芋脫軸賣
席與布未了官家租重門高樓切雲齊盈倉豆給廩中驪
銀鞍鐵甲十萬蹄樓高高馬駢駢居民無廬食無糜嗟

君之牧能勿悲

麥田高

麥田高稻田低低田年年高築堤田家茆屋近江水築
堤直取江心泥今年雨多不傷穀高田得沾低亦熟百
箔春蠶五母雞全家衣帛兼食肉君不見咸陽東來如
掌平間田自多人不耕

休採花詞

休採花采花蝴蝶飛休撲蝶撲蝶傷花枝花枝娟娟戲

雙蝶臨風對花不忍折平生愛蝶仍愛花只恐傷花復
驚蝶君似蝶妾如花花開能幾日蝴蝶過西家

雲樵

朝出雲在野暮歸雲在山十年事樵採朝暮雲中間空
山無人雲潏泐斧聲丁丁四山響曾看仙人石上碁千
歲桃花纔反掌白石礪我斧丹楓栽我柯浮雲去盡青
山晚奈此猿聲鶴夢多

畫鴈

春渚別未久秋風來有期年年燕歸日是汝度關時玉
關萬里音書絕八月寒風三尺雪何以飛來漢水頭湘
浦蘆花洞庭月花滿寒汀月滿塘鴛鴦灘鵲兩相忘啼
晴杜若蘩邊雨卧冷蒹葭葉上霜

送安定書院山長張宗武

溪頭梅花冰雪妍弟子送師張別筵綠莎為茵柳為幕
次第再拜春風前春風東來吹馬耳馬蹄咫尺長安市
盡道先生自此昇君不見三鱣堂中楊伯起

挂劍臺和黃子邕

生諾諾尚淺死諾諾更深當時季子意即是徐君心嗟
嗟徐君骨已朽寶劍摩挲在吾手正擬臨岐解贈君不
意挂君墳上柳挂劍果何益聊以明不欺當時讓國心
肯使徐君疑於乎劍可折臺可隳死生之諾不可戲

狼山青為許光祿賦

狼山青山前慈烏終夜鳴兒聞烏聲憶慈母母今遠矣
兒心苦三見江南秋草黃淚珠不到墳頭土有母壽且

康有弟垂金章胡不買船歸故鄉故鄉介母壽外孫拜
姑姑拜舅甥已成翁姑白首團欒且共樽前酒酒醒月
斜思早歸江南更有糟糠妻

霜葉紅贈友還華亭幕官

霜葉紅霜葉紅霜葉照人如酒濃青袍幕賓上官去掛
帆開船江水東江邊小娃年十五臨江踏歌對君舞淮
音吳語總銷魂不是瑤花舊時譜憶君折柳西湖曲湖
上諸峯為君綠一夜江南春信通畫舫銀鞍競相逐東

風一分手去酌華亭酒華亭白鶴不歸來二陸文章亦
何有江邊鳬鷺毛羽稀慎勿驚人撩亂飛

君莫疑贈薛起宗

有弓莫朝射有劍莫夜舞舞劍空驚半夜雞射弓須射
南山虎當年意氣雙白虹三尺寶劍兩石弓平沙軟草
馬蹄疾仰面射落南飛鴻歸來面皺頭雪白魚皮包劍
弓挂壁逢君一笑盃酒空憐我衰顏手無力手無力眼
有眵作歌贈君君莫疑英雄老去衆所薄何獨區區楊

去非

先生年五十
更名曰去非

賦得歸帆涇送夏仲信之江北

客舟不肯停相送錦帆涇涇邊數株柳株株落秋聲當
時種柳臨涇水柳葉參差間桃李君王日暮看花回一
色錦帆三十里朝從涇上出暮從涇上歸吳哥聽未了
花落鷓鴣飛鳥散春無跡涇上叢叢春草碧自是君王
愛捧心美人那得傾城國古來奢麗那能久菲衣惡食
傳不朽君過長淮向汴河請君更看隋堤柳

送葛仲行遠遊

子有遠行役我有遠行詩
遠遊幾萬里山川浩無期
青山盤盤日欲暮車輪高隨飛鳥度
笑殺東家白面郎
一生不識城頭路

七色茶蘼花

朝出月在牖暮歸星撒沙
今朝下馬日未晚見此七色
茶蘼花千葩萬萼春無價
綺雪湘雲堆滿架題品當居
芍藥前溫柔豈在薔薇下
我愛名花天下無中冷之水

四腮鱸誰將十樣天孫錦織取徐熙沒骨圖

雙椿堂

大椿葉青青小椿葉蕤蕤堂中兩眉壽共坐春風裏春風搖搖吹紫荆兩翁白頭親弟兄兄當有孫弟有子兩翁之壽從此始

庚戌元日立春試筆

二首

柳暖已破眼梅寒尚含腮臘隨除夜盡春逐歲朝來鳳凰臺下春歸早龍池柳色瀛洲草一夜東風雪盡消十

年南國人空老富貴非吾願文章非我能且沽白下橋
邊酒來看金陵市上燈

其二

南山雪已消北山雪盈尺信知南枝花早得春風力帝
城回首春光近柳上梅邊見春信白玉椒盤內史傳紅
羅彩帖詞臣進貧賤何足卹功名非可誇且沽白下橋
邊酒來看金陵市上花

白雲書舍

我家住山深白雲滿長林愛雲如珙璧友雲似同襟去
年辭雲向城市雲亦相隨渡江水我留城市雲還山夢
裏時時看雲起君家茆屋鑑湖西屋上青雲作隊飛
爽氣每沾毛義檄晴光長映老萊衣祇今薇垣番夜直
咫尺蓬萊雲五色卻向昇州望越州吳山萬點吳雲白

九日袁贊府宅賞菊

自我離姑蘇已負兩重九不獨無錢對菊花白酒黃花
總無有前年九月吳城破廿口倉黃驚竄走去年重九

客榮陽淚眼西風盼衰柳那知此日來句曲秋水自佳
慚白首到處逢人索佳菊預恐無花孤此酒東隣送我
青兩株細蕊含苞香未剖耐何無花亦無酒不憤有酒
成不偶丞家數本花正繁秀色幽香照窻牖入門一見
清興發亂挿烏巾笑開口主人抵掌怪我狂我自有得
忘老醜三年僅逢一餉樂此後寧知不愧負便須築室
滿山田種菊循籬秋百畝年年釀酒薦秋菊笑引妻孥
壽慈母世事茫茫未可期聊作長歌示佳友

亭隱為句曲山人翟好問作

種桑百箔蠶種芋千足布先生種芋不種桑布作衣裳
布為袴桃花雨晴水滿塘烏紗白芋春風香野蕉山葛
不敢並越羅川錦爭輝光兒童漾紗婦紡織賣布得錢
還買帛黃綿大襖一冬溫白雪中單半襟窄今年芋好
畝百斛堆場積圃長輪困床頭白酒夜來熟殺雞煮鴨
邀比隣東家種桑青遠屋官絹未輸空杼軸婦姑相對
難無衣先生飯飽方捫腹

送汲縣主簿朱孟仁

我耕蘓臺雲君釣苕溪月萬里西來始識君相逢未久
俄相別梁園十月萬樹稀北風滿地塵沙飛客中送客
未忍別感慨握手臨大堤問君此行向何所大河之北
汲縣古桑柘遙連晉都邑牛羊近接曹風土縣民出郭
迎縣官苦酒味薄祖梨酸道傍再拜勸官飲禮數朴畧
誠堪觀知君下馬人爭愛白欄烏帽紅鞵帶百年華夏
總戎衣

中原方治

忽看中古威儀在父老喜極復淚垂廿年

兵燹悲瘡疾兒孫汨沒骨已朽老眼復得逢雍熙人心
如此亦難治要在從寬布君惠犬足生斃戶不扃牛租
減額人長醉嗟我前月除滎陽入門野蒿如屋長日斜
吏散公宇靜時有雉雉來飛翔方除瓦礫治官道已見
居民歸稍稍自愧才疎撫字勞嗟君年少蜚騰早清霜
一夜滿河冰此別憐余白髮生主簿官卑君莫厭鵬程
九萬自茲升

彭蠡阻風

昨日南風顛輕舟掛席如飛仙又如快馬走空闊造父
王良相先後今朝北風吼白浪飛天大如斗舟人勸客
莫恁恁君不見世間快意那能久

舟抵南康望廬山

春山如春草春來無不好況是香爐峯百疊屏風圍五
老嚶嚶歷歷谷鳥哀朱朱粉粉山花開芙蓉削出紫霧
上瀑布倒瀉青天來船頭春山重回首世上虛名一盃
酒李白雄豪妙絕詩同與徐凝傳不朽明日移舟過洞

庭蘭花斑竹遶沙汀摩挲老子雙愁眼細看君山一點青

登繩金塔望廬山

過魯必謁岱入洛須望嵩嗟余夜半入彭蠡月黑不見香爐峯明登望湖亭雨氣何空濛山僧指點笑五老五老正在烟雲中今朝躡層梯高標揭晴空匡廬遠出百里外紫翠映帶春霞紅雖云彷彿見顏色已覺浩蕩開心胸在山看青山佳處未盡逢不如迥立萬仞表一日覽盡

千玲瓏何當生羽翰兩腋乘天風不論雨雪與晴霽回
翔下上飽玩八面青芙蓉

過劍江聞岸上雞聲

劍江光似劍霜月寒灩灩輕舟載月江上歸半夜雞聲
起茆店寒雞自啼人自寢雞聲不到黃公枕

癸丑元日

霏霏元日雪脉脉人日雨春來無日不輕陰薄霧寒雲
滿南浦常年有雨復新晴淑氣韶光淡遶城草色未迎

金勒馬柳條先映玉樓鶯今年風雨兼冰雪忘却春幡
慶春節野杏絨愁待酒催江梅索笑邀人折誰與觀雲
卜大通且須祈穀問年豐相期十二樓前月賸看花燈
萬點紅

憶省掖千葉桃花

穠李積皓雪繁桃炫朝霞江邊日日見春色盡是尋常
兒女花東關一樹能傾國千葉玲瓏誰剪刻半吐疑紅
却勝紅全開似白元非白旁觀淺淡正復濃雅麗稱月

開宜風陰晴晚午各異態
嗔喜笑頓無不工嗟我匆匆
簿書急時復微吟對花立
白苧猶沾夕露香青鞋不怕
蒼苔濕而今漂泊楚江濱
想像丰儀一愴神惆悵當時
看花客對花還說去年人

水雲居為劉文丙賦時予有山西按察司副使之
命故末語及之

我本山中人看雲三十年
白雲如故舊入我秋堂眠去
年辭雲向城市雲亦相隨渡
江水我留城市雲還山夢

裏時時見雲起明日驅車上太行山青雲白樹蒼蒼憶
君茆屋瀟湘上雲滿衣裾水滿塘

為山西李叅政題紅竹

山西無竹者認竹竹不真脩然山澤古君子忽作年少
如花人想應血雨瀟湘渚洗如琅玕碧如許翠華莫睹
覩霓旌淚洒紅冰啼二女口脂香容未老望入霞光九
疑小鷗鵠聲暗綠烟消丹穴朝陽鳴鳳鳥爾不知此外
雖異心恒虛報顏訴向誰人道

[illegible]

欽定四庫全書

眉菴集
卷五

眉菴集卷五

欽定四庫全書

眉菴集卷六

明 楊基 撰

五言律

新歲見月

柳外纖纖白梅邊淡淡春
年光兼月色此夜一時新
未擬開金鏡先將照玉人
更須三五夜相逐寶車塵

雪中柳

春雪晚蕭蕭隨鶯上柳條漸將絲共結終與絮俱飄淚
粉凝啼眼珍珠壓舞腰東風自憐惜留映赤欄橋

雪中燕

燕雪兩差池相兼拂繡幃玉樓迷故壘珠箔見烏衣斜
訝衝花落輕疑掠絮飛曉寒人未起還認畫梁歸

元夕前對雨

雪後廉纖雨江南淺淡春鶯花無那客燈火正愁人石
潤苔生髮冰消水有鱗九衢明月夜車馬往來頻

感春

獨立何所愛江空春水遙舊情題竹見新恨對花銷東
脯非沾祿聞鍾豈造朝慚非韞上鵲風起欲凌霄

近有

近有山東信河南已退兵初聞通漢使又復叛齊城機
笑多疑失師憐少算傾如何金四萬容易托陳平

謝饒內史惠江芷

花掩露猗猗情深寄一枝已看辭衆草還得近華芝綠

艷明書積青芬落硯池野人無以報賴有木桃詩

池閣晚興

二首

池閣敞重扉林光動淺漪病嫌紈扇早愁覺漏籤遲雨
鶴饑猶立風荷弱屢歌冥冥空濶外極目有蛛絲

其二

久陰人迹斷苔逕雨痕交樹密枝藏果池清藕露苞鈴
將驚鳥掣檻或飯魚敲自笑窻間枕多眠覺面均

秋齋雜賦

五首

劉表知先主懷王識沛公未聞牧夏口先已入關中今
古車書異興衰歷數同方驚雞作鳳當信鶩非鴻

其二

今日長洲苑秋風列羽旗不圖新約法復見舊威儀鼓
舞兒童樂歌謠父老悲烟埃方衮衮未忝正離離

其三

嘆息馮唐老吁嗟李廣賢窮通元有命生死詎非天鼓
角西風裏江湖短髮前南飛有鴻雁一字若為傳

其四

晚樹霜猶碧
秋花雨未黃
戎衣輕綉錦
旅食尚糟糠
驛路千山隔
河流一葦航
毋憂兵不戢
已定法三章

其五

邏卒去不返
行人愁未回
正須犀作甲
毋用玉為杯
清淚尋常落
丹心早晚灰
交仍期管鮑
書或似鄒枚

七夕

樓迥秋河逼
簾虛夕露侵
巧於間處乞
愁向別時深
月

殿蛛絲繞星橋鵲駕臨年來孤此夜兒女亦傷心

送沙天民之無錫兼簡張彥禎

風雨送君行溪山傷我情故園春種麥高柳暮啼鶯亂
世難知已常譚愧老生茲行見張翰懷抱得深傾

謝雪坡參政入淮

維舟竹外坡把酒唱離歌沙雪融將盡江花開未多淮
兵春入戍津吏夜鳴河佇望南歸日君恩早賜羅

早冬

沙淺蒹葭白林深橘柚紅
水鳬晴趣日山隼夜呼風
世亂嗟親老家貧任歲窮
平生迂懶意未忍即從戎

露

泣露濃初滴橫江白漸多
珠光聯玉陞金氣逼銀河
甘和盃中屑涼侵襪底羅
無人為收拾的爍滿秋荷

梅花清夢為沈敬賦

霜月路西東梨雲影淡濃
孤燈數聲角急雪五更鐘
時向愁邊得春於醉裏逢
不須尋舊迹湖上兩三峯

夜坐懷天倪

偏仄僅容膝歸來方解衣冥冥孤鴈去擾擾亂蚊飛
物理誰能識人情豈故違隣家有修竹賴爾破愁圍

宮怨

舊寵憶專房羅衣有賜香偶來春沼上閒坐綠陰涼
鳳髻從教側蛾眉懶畫長新愁千萬種一種一思量

送王季野

為愛王崇教書名虞褚齊龍文題玉軸鳳冊縷金泥
滌

硯雲生沼籠鷺雪滿溪諸山多晉刻時復到河西

初夏過寧真道院

真館坐微雨午堦蘭氣清以茲魚鳥性遂識水雲情佳
樹細花落清池圓葉生芳時與幽賞欣此一來并

詠柳

一首二句作春淺愛
鶯黃春深葉漸長

裊裊復揚揚春風折又長絮飛疑燕拂枝重覺鶯藏晚
掛初三月秋零一夜霜江邊千萬樹此樹斷人腸

隔隣桃花

春色護低垣晴梢露未乾不愁開處遠深恨折時難水
或漂香出人應罷綉看願憑雙蛺蝶將夢過東闌

孤坐

春事忽已晚江雲仍久陰乾坤芳草闊風雨落花深思
極惟孤坐愁多却短吟豈無遊覽意觸目總傷心

閏七夕

星橋方泣別銀渚喜重過鵲整初回駕鸞停暫擲梭歡
如前會少情比去年多可是勤耕織恩容兩渡河

秋日舟中見蝶

趁暖戲晴川，依人上畫船。
粉銷烟翅薄，香冷露鬚拳。
野菜疎籬外，山花小徑邊。
夜深桃李夢，猶在綺羅筵。

孤雲為王子困賦

斷影落平湖，陰雲遠更孤。
山川遺迹在，天地此身空。
潤飛還白氤氲者，欲無何須嘆漂泊。
神化亦須臾。

聽雪軒

虛簷迸玉鳴，入夜轉分明。
風響不相似，雨聲無此清。
倚

窻心不倦撥火耳頻驚道是梅花落梅花落更輕

直溪間居

處士居盤谷先生隱直溪水流無曲折沙或湧高低船
向花間入雲來竹外迷怡然冲淡意欲與古人齊

荷葉

圓的破蓬苞孤莖上藕稍雨撐栖鷺屋風捲蔭龜巢溪
友裁巾幘墟人作飽包小娃曾已折新月拜湖圻

桐樹

珍木曙鴉啼瑤枝小鳳栖材憐工製瑟葉想戲栽圭涼
送秋聲早陰移夜月低夢回疎雨滴人在轆轤西

謝徐良夫惠米

玉色西溪米蒲囊手自封恩同粟五秉寵過祿千鍾雲
子鮮鮮滑紅芒細細舂加滄愧尸素飯飽一支筇

李迪病目戲作

不寐聽隣鐘聲來覺耳聰夜吟斜避月曉立背當風萬
象空花外千山霧雨中欲行俄觸戶昏晝問兒童

溪山小隱

何處溪山隱
衡門對野橋
晚風携鶴子
春雨種魚苗
小徑斜通竹
疎籬曲護蕉
人生間自足
不用楚詞招

盟鷗亭

舊業水西頭
新盟結衆鷗
羣疎寒不散
影獨暮相投
菡陂塘雨菰蒲
野岸秋青田
無白鶴得此
復何求

雨

雨急愁雲黑
窻虛愛竹青
石泉流細細
山鳥去冥冥
醉

裏傾荷葉饑來煮茯苓不知劉道士何用換鵝經

愛竹軒

為愛軒前竹平安愜此心雨聲西澗曉秋影北堂深瘦
倚差差玉疎搖細細金閒容扶短策幽處一披襟

偶題

身懶交遊絕時危感慨新清江催短鬢芳草怨歸人花
落縱橫雨鷺啼淡蕩春欲搖舟楫去波浪沒平津

曉起

曉起忽鉤簾青山在短簷花疎風更減衣薄雨重添別
意因詩記閒愁與病兼靈荃龜筮在其奈不能占

送胡鼎文遊越

脉脉寒食雨差差桃李花君能輕遠別我獨愛春華山
縣增新壘江流失舊沙不須探禹穴科斗已成蛙

送孫彥聲都事之淮安

忠襄不可見幕下得遺賢策可西平楚書能北守燕春
旗峽石砦暮雨芍陂田勿易開邊隙兵交又十年

贈沈真仲徵士

花落滿烟莎
蘭舟喜見過
壯心丹未已
愁鬢綠無多
小燕斜斜舞
新鶯婉婉歌
都將舊遊意
一笑付江波

送王仲容之上海

薄宦依東海
孤城隔戍烟
花疎寒食後
人遠暮帆前
深巷編蒲履
斜崗種木綿
毋煩厭荒寂
微祿有畬田

寄葉德彰戴叔能

江遠樹層層
蒲荷葉漸增
酒樽池閣雨
棋局夜船燈
竹

淨刪逾瘦花疎掃未能亭亭川上鵲風雨看飛騰

寄海鹽楊砦官

海嶼通村險邊城出敵遙旗燈秋塞雨鈴柝夜溝潮士
飽爭投石農閒數舞箭毋令廢收穫高隴有枯苗

送范彥章之雋里

輕帆掛渚蒲兩日到南湖寨結防秋伍城添築壘夫多
風棗花落少雨稷苗枯見說隨陽鴈嗷嗷滿路隅

寄金友直縣令安吉

山柵護層層城陴遇險增遠烽朝屢報高櫓夜頻登薄
產千株粟荒租半畝菱憐君治斯邑亦復有能稱

過東氏廢園有感

苑廢主頻更纔登意即傾燕歸隣屋住蛙聚野塘鳴瓦
礫鴛鴦字溝渠環珮聲惟餘數株柳衰颯尚多情

壺中挿緋碧桃索高二校書同詠

麗質闌春華纖穠間更嘉綠烟縈綺雪紅雨亂青霞醒
醉休相妬仙凡自一家春風忽披拂點綴舞袂斜

春暉堂

春樹藹晴暉山雲並舍飛雙魚供處饌五綵戲時衣
病每通宵坐貧長負米歸人方念離別得養似君稀

瓶中挿松竹綠萼梅偶賦

清肌不浣塵綠萼破初勻松竹為三友芝蘭是四隣
未銷金殿雪曾報玉堂春欲借東風便持將寄遠人

贈婉素

同祀碧雞神絲蘿又結姻文如謝道韞書逼衛夫人
冀

缺終相敬梁鴻不厭貧還能事荆布歸釣五湖濱

初夏試筆

池閣已南風鶯殘藥自紅坐憐脩竹裏行愛綠陰中衣
濕蕉無力羅輕扇有功欲搖孤楫去江濶雨濛濛

賀趙季文推官致仕 二首

白髮還家日青衫告老時鄉人邀入社朝士送題詩晚
步鳩為杖晨食肉作糜時時來故里能讀道傍碑

其二

年至即投簪非緣老病侵車無三驥錫囊有二疏金荷
葉清江曲苔花綠樹陰不須休沐暇日日此追尋

方氏園居

十首

北墅花連屋東園菊遶庄病長陪客坐老不厭人狂鷺
鴨雙陂雨楂梨小樹霜他年倘相過里邑定名方

其二

多水少塵埃經年不掃苔竹繁頻洗葉松老別求栽雪
竇看碑入雲窻晒帽開徐文與張羽乘月想能來

其三

秋氣入郊墟新涼似雨餘
囊收試驗藥藁集著成書
酒熟知愁減花開覺病除
何曾廢錢買山果及溪魚

其四

解珮酬琴價將書當酒貲
竹樓聽雪夜梅屋看花時
女嫁為農婦兒從作圃師
隣翁無奈俗招飲豈能辭

其五

昔事李輕車豪名動狹斜
鷺聲吳苑樹驄色武陵花
觀

妓江樓月彈碁水殿霞歸來種瓜果鉏畚是生涯

其六

舊物嗟孤劍春風別五陵
未衰先遣妾已靜更疎僧
往事真騎虎中年得縱鷹
兩溪千頃月談坐不須燈

其七

春社村村鼓豐年樂事同
全家兩溪上連日百花中
母送歸寧女兒邀讀法
翁莫言田野意即是有虞風

其八

由來種瓜地隨處即青門
習俗羞營利甘貧耻受恩
掛簑秋樹濕濯足晚溪渾
欲訪韶年友漂零只自存

其九

園廬依綠水無吏索租錢
歲計千株橘秋成半畝蓮
飲先諸客醉詩許衆人傳
為愛溪光好經旬獨棹船

其十

回汀兼復渚迢遞入漁邦
有港皆通楫無山不到窻
疎烟春隴犢深雪夜籬
龍過客停舟問而翁恐姓龐

眉菴集卷六